


身固非我有財亦何足戀曷不從吾遊騎鯨騰汗漫僧益驚疑
道人曰若惜此錢耶吾今償你取片緋投鐘祝曰速推車出良
久不出曰非我自取不可因跳入鐘寂然僧擊鐘碎有片緋題
一詩曰尋真要識真見真渾未晤一笑再相逢驅車東平路僧
悵然歸次東平忽見道人曰吾俟汝久矣以車還之錢皆在曰
吾呂公也始謂汝可教今惜錢如此不可也僧方悔謝不及驅
東平路一作
攜囊瀟湘渡

回心向道

安豐縣娼曹三香染惡疾爲邸以舍往來客呂帝托爲寒士寄
宿僕以其醜褻拒之三香曰吾旣立此門戶垢淨何擇焉遂延
道藏輯要  聖蹟紀要 七 壁集五
入殊禮遇之居無何曹疾作呻吟良苦呂帝曰回心回心時門
外有一皂角樹久槁死帝君乃投以藥卽別翌日樹再生枝葉
甚茂曹始悟其爲神仙而回心者呂也卽毀冠服去粉黛棄家
遠遊人爲建呂先生祠奉祀焉紹興末曹忽還鄉顏狀秀異人
無識者乃自言本末復去不知所終

無心昌老

橫浦大庾嶺有富家子慕道建菴接雲水土多年一日眾建黃
籙大齋方罷忽有一襪褸道人至求齋眾不知恤或加凌辱道
人題詞於壁曰暫遊大庾白鶴飛來誰共語嶺畔人家曾見寒
梅幾度花春來春去人在落花流水處花滿前蹊藏盡神仙人